

Siunnersuut Inatsisartunut aaliangigassanngorlugu Namminersorlutik Oqartussat oqaaseqaataat Kunngip peqqussutaanut Kalaallit Nunaannut atuuttussanngorlugu Inatsimmit nr. 1251 18. december 2012-imeersumit, Inatsit nr. 311 29. marts 2014-imeersumit kiisalu Inatsit nr. 752 25. juni 2014-imeersumit Inuup normuanik inatsimmut allannguutissat

Saqqummiussusut

(Aningaasaqarnermut Aatsitassanullu Naalakkersuisoq)

Siullermeerneqarnera

Allannguutissatut siunnersuutikkut innuttaasut nalorninartumik inissisimasut tunngaviusumik pisinnaatitaaffiisigut qulakkeerinniffigineqarnissaat Kalaallit Nunaata periarfissaqarfigilissavaa.

§ 8-p allanngortinneqarneratigut ataatsimoorussamik angajoqqaatut oqartussaaffeqarnermi immikkut ajornartorsiutaasartoq aaqqiivigineqassaaq, angajoqqaat inooqatigiinngitsut akornanni meerarisaq assigiimmik oqartussaaffigineqarpat.

Meerarisap angerlarsimaffittut inissisimaffigisaa pillugu angajoqqaat akornanni aaqqiagiinngissutigineqalerpat, meeqqap angerlarsimaffianut tunngatillugu apeqqutip qanoq aaqqiivigineqarnissaa pillugu allanngutissatut siunnersuut, tikkuussivoq. Tunngaviusumik aaqqiagiinngissutigineqartup aaqqinneqarnissaa Angajoqqaatut akisussassuseqarnek pillugu inatsisikkut, immikkoortoq 99-imi oqaluuserineqartussakkut, aaqqinneqassaaq.

Innuttaasut suaassutsiminnik allanngortitserusuttut pillugit inatsisitigut periarfissaqartitsererpugut. Suaassutsimik allanngortitserusuttunut inatsitigut periarfissiinissamik siunnersuuteqarnikkut, innuttaasoq suaassutsiminik allanngortitserusuttoq, suliaritinnissani sioqqullugu peqqissiminissaminut periarfissinneqassaaq, utertinneqarsinnaanngitsumik ulorianartorsiorfiusinnaasumillu suliaritinnissani sioqqullugu.

Innuttaasut kinaassutsiminnik tilliffigitittut, kinaassutsiminnik tilliffigineqarnerminni inuttut nikanarsagaarujussuarneq narrunarsagaarujussuarnerlu misigisarpaat. Siunnersuutikkut innuttaasut taakku, nutaamik inuttut normutaartinneqarnerisigut, kinaassutsiminnik utertitseqqissinnaanerat aqutissiuunniarneqarpoq.

Kommunit cpr-normunik allattugaateqarfimmiit tunniussinerminni akiliisitsisarnerannut akiliinissamat annertussusiliinermut killiliinissamik siunnersuummut tunngatillugu, tamanna aningaasartuutiviusut sinnerlugit akiliisitseqqusinnginnerup ataaniiginnassaaq. Innuttasup digitalimik periarfissiissut www.sullissivik.gl aqutigalugu najugaqarnermut uppernarsaat pissarsiariniarlugu toqqaruniuk akeqanngitsumik pineqarsinnaajuassaaq.

Naalakkersuisut isumaqarput allannguutissatut saqqummiunneqartut allannguutissatut pitsaasorujussuusut, innuttaasut nalorninartumik inissisimasut tunngaviusumik pisinnaatitaaffiinik qulakkeerinnittussaq.

13. april 2015

UPA2015/79

Oqaatsit uku atorlugit maannamut aalajangiinissamut siunnersuut Inatsisartuniit soqutiginnittumik eqqarsaasorsorfigineqarnissaanut suliarineqarnissaanullu tunniuppara.